

Тана гүймнун қулигамсукума Тасатым. Сивулихпигалунни Тыңанухан Нувуқамың токарынухсисмалге. Савилькуюхкун санальтынухлунни. Советски власты икаюхтыклъуку тама-ни аныят акуна ивырунут, тукпиқыңаның алъани нунани. Такугут қунам «Кайылыт», шведыгмитат «Архимед-2». Тамакут аюгисимаает лъика қакумун илилъутың ивырунлъахтыхкат. Тыңанухатын қунам.

«Ивыругит шведыгмитат акуна ылнулгит ынкам хўаңкута илинъақыпихсисмапут русит илакълуки. Сали на натын ивыругисисмалуки аныяқылгит юпит аңомың, накалъя тыленаңымың. Ивыруңата қунам сагикнегутыпихтукут лъика аныяхтуллекут». Қунам тагавык Тыңанухан гўатпекук: «Ысха айвыгагьяухтыпихсисмат ивыруңамың. Тана кынлыкълуку лъика кегникнанихтут сиыңанлъыгит ют»

1936 гиўгими Рыбинскими ылъыгим ивырунлъагвим заводым санаяухтет малгугнатҳанылыгның силылгыт ивыругыт атылгыт «ЛМ- 4». Сагикнетыпихсисмалгенут тамакут, акуна ылнупихсисмат. Қунам мулутыпихлъуки атугнамат, эванупик пинихқамат алъат нунат ивыругиның.

Атасимың 1947 гиўгими Элиның наңрамат пиңают аныяпихлът –Каюқтункут, Ниювинкут ынкам Анутуңқ. Малгугни аныягни нутагингат юинақ ситаманың силылгыт ивыругит, атылгыт «Ивынрут». Намем пиникълуки юпитың тамакуның санасимақет. Тамакут ивыругыт сиглхқытуқагут,нақам асит самкут ымыгмилнут. Ынкам атасим кылъагым алңани углатупик укугун атуғақыкит. Ыкыгагьяохқыңата аңохтыңат атасик аңкигнамаўқ. Малгук аныяк утыгнихтук Элинун. Пиниген уныхлъыге элигми Утоюм, умелган колхозым, малихсийъқат элит аныят.

Лъугагункут Аяқаңанкулъу малихтет, ыкыгахтут. Ивырупут нақам утуқималгит. Ынкам пыгным қатңухтат ивыругык. Нию-